



34852

3

春日早起與花小晤儵然清氣彼此平分花笑

而不言我拈而成句得二古



人起在鳥先空階淡曉霧履濕惹苔青徘徊為芳樹
春力足花苞綻口初啣露香氣穆如水心臭非鼻遇
錯看天色陰倏忽霞光吐

新旭上林薄鮮草生光潔微風吹松花冉冉霏如雪
朝氣帶輕寒幽香何瑣屑翕雜作春聲衆鳥共欣悅
于此會先機了了不能說

蔣山獨眺

獨眺蔣山巔金陵萬戶烟棲松僧事佛繞竹鳥呼仙
村小如巾蹙畝明似線牽時時思海潤不取一人泉

枇杷花

花發何曾避雪霜森森晚翠蔭書堂香爭臘橘團新
綠色借寒梅帶淺黃傍榻恍疑雲入夢捲簾雅稱月
為妝薰風記得禽啼處金彈誰拋過粉牆

梁亭即事

鄰家濁酒尚能賒坐對平湖落照斜手把一編高士
傳不知新月上梅花

十一月十五岳丈招予飲湖亭待當頭月不出

賦此以記事耳計四律

薄暮寒烟鎖翠微濛濛細雨濕山扉彼蒼有意隨人
轉好景何心與我違必是一輪他處照誠宜三爵此
時揮湖光莫訝全無着燈火依然繞四圍

兀坐湖亭興未闌何妨細雨度更殘棋枰歷亂全憑
算酒政殷勤正足歡我有雄談驚戶牖誰將幽夢上
邯鄲鷄聲閣閣啼還歇猶囑奚童進紫團

豈為亭中訂此期蟾蜍故出海天遲連宵朗澈偏呈

彩今夕迷離竟斂姿剪燭幾回披古史裁箋半幅記
新詩縱然不放水輪現能把湖光一概私
雅集名亭酒正酣停杯鼓掌共清談
盼雲難把蟾蜍捉聽雨惟將詩句耽
心定先生滿室白眼空吟望一
天藍廣寒肯許重尋約夜夜金尊倒碧潭

登永濟寺觀音閣

半吞江水半嘶崖飛閣懸空鉄索蟠千古化烟誰吊
古一闌斜照獨憑闌鐘聲疑拂山巒動苔氣常生石
洞寒不用壁間留姓氏東流日夜浩漫漫

冬日飲於天然亭內即事

不負三秋約狂吟我又來雖無湖上月肯放掌中杯
詩到催風雨陽回動柳梅連林今夕樂定有夜珠才

登課花園小樓看雨中桃花二絕

雨雨風風別有春不隨俗子亂情親桃花開落欽天

裏流出仙源引問津

欽天名也

擎蓋提壺到課花盈盈樓外景無遮黃沙直透千枝
雨碧澗長流萬樹霞

水西山房喜晤葯畊上人

招提逢惠遠驚見喜心狂
李杜齊聲價鍾王共頡頏
掛鞋留客館洗鉢覆禪牀
把袂情何限翻愁別路長

秋日同鎖標南登清涼山間眺

征帆紅掛晚江天
落葉黃翻野岫烟
欲記此時登眺
事飛鴻叫過石城邊

仲秋坐湖亭同朱草堂陸希賢分賦

湖中秋漲欲平樓
湖上煙波瑟瑟秋
不見當年盧氏
女何須空憶石城頭
漁樵聽我和琴律
猿鶴窺人下釣鉤
明月嚴亭清夜裏
坐深直似泛仙舟

看花行

三月過半桃花紅
江南城裏氣烘烘
賣盡胭脂染天地
河陽花縣豈云同城當
西北稱最盛清涼路上觀
無竟府後花岡與妙山
重重錦浪聯空橫
掩映青青柳更多
柳綠桃紅奈若何
寶馬香車爭遊賞
處處載酒備笙歌
但見蝶使草間戲
但見鶯婦柳間避
石城花藪樂事稠
當春行樂非容易
我亦看花信步追
香撲衣裳光上眉
難將彩筆題詩句
錦繡文章屬與誰
歸到家園興猶好
門內落花還未掃
願得身如桃洞

仙歲歲看花者不老

春日飲天然亭忽聞清聲聒耳座間客問何聲

余答曰松聲雜水聲客以為可復促成詩

嘶杯對石城風日正新晴雲影搖山影松聲雜水聲
輕鷗翔浩淼遠磬出峻崢信口無佳句拈來戲足成

遊靈谷寺

十里深松一梵宮芒鞋款款趣無窮鐘敲幽谷歸雲
白草偃荒陵落照紅玉澗流泉通衆壑珠峰聳翠接
高堂誌公已去無傳鉢鈴鐸蕭蕭語暮風

暮春同竇大香岳謝大我同夏二簡齋坐莫愁

湖湖心亭促香岳鼓琴賦此以記事耳

尋常暮靄與朝煙画舫鳴琴別有天八廠簷楹招燕
燕千叢荇藻絆鳶鳶漫將古蹟誇金粉且坐中流聽
素絃我輩何緣成勝集石城明月影清圓

和曉峰楊大咏兩瓣素心蘭原韻

春叢是處吐幽香見慣無須置我腸爭似一心還太
素却於兩瓣寄孤芳古琴正合傳喪曲明月相應附
末光九畹之中真特出漫同衆草等閑償

尋花

一天春色渾無涯
画髮嬌娘採嫩花
遇我偷香神手段
引他隨入奧谿牙

仲冬省鄧園牡丹

驚賞名園異景賒
牡丹花發正飛鴉
玉環冷倚沉香笑
紅拂寒裝畫錦誇
淡淡胭脂淋雪榦
絲絲水麝吐霜葩
擎杯莫訝芳菲左
富貴于今另一家

贈古林庵賣茶天機老和尚

不放遊人草草過
一壺香嫩賣貧婆
只緣喫盡塵煩

味纔把茶經細揣摩

春日過莫愁湖即景

楊柳風疎未放顛
如弓月射水中天
心頭事事都消
化不問盧姬去日年

北璠兒見喜不治口泣三絕

虐雪饕風打葦門
擁衾又對一燈昏
囑妻好檢爐邊藥
莫亂傷心洒淚痕

朝朝調攝任艱辛
乖巧璠兒掌上珍
但願平安能送
聖梨園一部酒千巡

十丈愁城十日圍不知何日忽天威
庭空月白熱香拜好洗從前萬種非

偕李立廷王學昌張百川城北看桃花

韶光真似海一望不相違
柳浪層層起桃霞片片飛
山披紅作罩水繞綠成圍
玩賞情同暢斜陽未忍歸

和曹素行咏芍藥原韻

于今婪尾殿羣芳蝶恨蜂愁春不長
贈別將他為故事翻塔逼我賦新章
雙攢茂葉聯雙璧七種鮮妍奪
七襄得得遲開原有意東君留着襯花王

宿王家營

旅館近前溪蕭騷任我棲
燈光驚旦早月色認天低
壁上猶行鼠牀頭已唱雞
行裝重檢點跨馬過河西

冬日同張譽華土橋早發

曉夜征途寂冬來更若何
疎星垂凍野殘月落水河
店裏雞聲亂橋頭馬跡多
同行只爾我替換唱山歌

懷張咸宜

挑燈擊鉢欣聯句一旦分離兩地棲
多少煙霞堪寄興往來魚鴈未傳題
縱開花屋千盞酒難洗塵心萬

斛泥張子如憐予寂寞烏沙最便抵清溪

過雨花臺三茅宮

雨花臺畔石重重彷彿茅山幾座峰
結構仙宮栖道侶真君來降夜乘龍

鍾山

鍾阜自嵯峨怡人景物羅樹邊青影密
山外翠光多得意觀雲變忘機見鳥過
年來懷鴈宕彷彿在巖阿

四月八日至古林庵看龍華勝會遇雨

浴佛何僧起相思歸淨宗雨中紅盡墮
雲外綠偏濃

湖邊柳

歌側枕湖邊偏招物外緣高枝隨鳥唱
低葉任魚牽放眼惟觀水飛花不問天
每逢三二月清况動人憐

酬常濟上人遊五臺留別原韻二首

五臺遊興作留句為交深此日一葦去
他時兩地心仲殊符在昔秘演見當今
不住思杯渡爐中熱水沉飄然無罣碍
不計水雲深錫杖挑經典皮囊裹佛心
感通花雨夢叅破去來今豈肯空離別
酬詩日已沉

胥恪仁招賞芍藥二律

牡丹近侍亦仙胎四月清和帶露開種種闔香翻石
案枝枝爭艷上瑤臺揚州品貴原無價洛社名高別
有才招我粗疎同醉賞彩霞光映水晶杯
飛盡楊花叫杜鵑烟輕風亞画欄邊瓶樽高下珊瑚
朶香色參差玳瑁筵飲興自當歸白墮詩才誰肯讓
青蓮一亭如水穿簾月愛殺胥家不夜天

風箏二絕

剪紙糊鳶兩翅輕高飛遠舉得風情當年曾濟謀臣
用一管吹消十萬兵

頃刻飛鳴遂所期雲霄路上好彈絲可知一線微微
力操縱由人快幾時

冒雨尋梅

雨師日夜戀層巒未許將梅作杏看說與同遊須聽
我此行莫惜步艱難
欣然持蓋探瓊林野徑雖深不厭深橫截烟波群旅
鴈亂翻雪浪幾胎禽

三三兩兩過山橋肯使梅花怨寂寥碎玉多情粘酒
榼冷香牽夢入詩瓢

嚼蕊吞香飽裏餐如油滑路遠追歡相逢世外鬪頭
客共坐苔磯聽激湍

不知泥濘不知歸還入鳩啼野老扉何處高歌清艷
調一聲綠瘦一紅肥

春日偕友人出聚寶門外散步得長句

陽春初佈景結伴出城遊日暖搖輕扇風和殿敞裘
將紅梅意古欲綠柳情柔處處新苔染渠渠活水流
旗人斜勒馬牧子倒騎牛酒酌天梯爽茶烹石鼎幽
不須尋妙境即此得真休歸步長千里吟成月滿頭

春霧

輕輕漠漠却非烟鎖住江南二月天惟有岼頭楊柳
色籠來更覺綠娟娟

過方正學先生祠

舉止端方秉性良留扶弱主植綱常經綸擬約同梁
父成敗何須羨子房夙把一心盟赤日終拚十族答
高皇至今祠立南岡上氣鎮山河萬古長

史家墩同管惟一張賓來小飲看雨作

濃雲不散護春田正是鳴鳩祝雨天細似碎珠穿線

落斜如弱柳起風顛蒙陰香陌從中合添漲芳洲分
外聯午後墩前開霽色荷蓑農父說豐年

端午魏景雲張彥升招遊秦淮

佳節共游遨欣然水上漂簫吹桃葉渡鼓播木欄橋
紈扇風流遠燈船景色饒都忘端午過月出尚隨潮
約王弘山先生小飲未至以詩速之

原本無心借手板先生自許過柴關因何又不輕來
座想是猶應列上班北郭幾番情悒鬱南城終夜夢
迴環仍祈早降休遺我共把新詩好細刪

瓶中菊

几上一瓶花花幽色更嘉會精多別致蓄意遠繁華
瓣吐伸交屈枝生整間斜相思杯在手同醉話陶家

菊放吟

立身又手繞堦前一見秋英倍悄然栽植入春節細
土維持度夏浥清泉朝欣濃露期君長夜惱狂風祝
爾全種種于今皆吐色何愁無酒必須錢

賦得獨坐幽篁裏

萬竿修竹綠森森箕踞科頭屬會心戛擊聲中驚佩

玉稀疎影裏訝飾金鳳來有實堪供飽龍去無踪却
耐尋愛爾虛喪多勁節不勝懷抱助高吟

及時

造酒編詩又學碁幾回潦倒幾支頤枰開不管來鴻
鵠杯舉難容伏虎巖最喜同人聯古調深嫌對我吐
狂詞幹謀半世終無就何若逍遙載及時

歸來二絕

整幘舒襟下蹇驢歸來詩思自如如月明滿地黃花
影也學陶肩荷一鋤

為問有誰共耐寒莫憐乃我獨加餐幾回欲睡還深
坐一種幽情天不刊

夜聽秋雨感而賦之

聲聲不住濺黃塵無奈秋聽惹怨呻刑枉獲遭傷璞

下

楚人下和得璞玉獻於懷王以為石則其右足及平王即位又獻之平王仍以為石則其左足
及荆王即位和乃抱璞而哭於楚山三日三夜泣盡繼之以血荆王聞之則遣使問其故隨索其所
抱之璞玉獻於王前王呼剖而看之

書空十上破裘秦

蘇秦十上書而說不
行時裘敝金完矣

好他

山瘦通泉脉洗我階平活石鱗

坡句○兩積浮
舟減石鱗

漏盡更殘還

滴瀝一燈黯淡冷相親

題壁山五松圖二絕

當年風雨阻秦時
羞受秦封辱秀奇
勁節森森終不屈
直超五嶽五支離

不想餐脂不想從
朝朝面壁影重重
聽來似雪紛填耳
望去如濤直活胸

虎頭石懷古

怪石傍山麓
猙獰虎踞容
當年傳漢將
此地振英鋒
伏莽深林見
凌霄殺氣衝
彎弓飛利鏃
飲羽貫強胸
盡道雄風壯
那堪蹇運從
宣威驚古塞
賜爵鮮侯封
醉尉還相詈
高皇詎所逢
至今彎水處
悲咽吊遺踪

梁亭牡丹

映水流霞滿
名花傍莫愁
清斯侵錦幔
恣彼傲滄洲
酣飲虹奔澗
嬌羞人倚樓
湖亭三月好
不羨洛陽遊

圩中遇彭聖宜

到此遇詩翁
聯吟壟畔東
麥又三尺水
秧掃一田風
賒酒原能醉
求魚豈落空
脩然尋樂境
榴綻柳陰紅

釣江

買得臨江千頃田
到來無事釣江鮮
長年雲影和帆影
總是隨風度水天

過海忠介公祠

肯與貪庸相頡頏持身無一不昂藏批鱗已奪奸諛
魄苦節尤陪正氣光忠在朝端扶社稷清孚民望播
芬芳雨花祠宇隆千古行道歎說未忘

秋日過岳丈園亭即事

魚遊天上鳥栖灣絕妙丹青畫此間兩岫蘆花三洞
月半湖荷葉一亭山歡來酒盡何妨借興到詩成不
必刪想起當年盧氏女錦衫石帶挽雲鬟

洲夜吟

更深席地枕鋤眠一種相思在酒泉忽見紙牕剛吐
白月隨潮水到門前

和汪同齋先生坐天然亭聽鼓琴原韻二律

不速而來聆古音冷然清響響泉琴七絃回雪梅千
點一曲逢春柳十尋畫得指間勾剔訣總能徽外蔽
藏深明朝切莫彈他處鶴繞湖天是會心

為採梅花到莫愁成連何事弄清幽石城空處山傳
響湖月來時水住流一鶴戀琴琴戀鶴羣鷗忘我我
忘鷗此時快領天然趣不向春風杜若洲

賦得時雨萬家足

不用鞭陰石時哉萬姓誇
漫空施惠澤應候起桑麻
雷轉珠珠洒風牽陣陣斜
池塘新漲綠畝宿苗華
三日淋無數千村潤有加
願將豐稔意徧頌祝齡遐

遠望

造化分明出眼前
幾番登眺始看全
高高下下咸呈趣
怪怪奇奇盡結緣
雲漫岡頭招鳳地
霧蒙潭口化龍天
何勞跨海求丹藥
樂在其中即是仙

七夕

欲效人間偶翻生
天上愁經年喪鬱鬱
一夕思悠悠
雲錦裁紅葉
銀河作御溝
傳音邀織女
訂刻會牽牛
族鵲填橋渡
催星結珮遊
愚流仍乞巧
時迫可能酬

觀稼臺銘

并序

蓋聞長至書雲聿肇西成之瑞
上辛祈穀爰興東作之功
公旦詩咏維城補無逸而垂訓
太宗麥蕪後苑勵節儉以開基
則農務依古為祥豈民事于今
可緩自千門萬戶彩映虹霓
五仞三休氣冲雲漢
雨花說偈誰念望杏瞻蒲
避責逃

名孰勞料民增畝苟欲有年有慶自宜無怠無
荒今者郁李飛花布穀已催春種天桃敷水虞
衡方進官箴青旂半掩乎青疇翠華遙臨乎翠
隴薄言觀者喜濟濟之奮爾耰鋤登斯臺乎知
粒粒之成於辛苦欲行省補之政先鐫遊豫之
銘

銘曰不竭爾財以為宮爾可饗不疲爾力以為兵爾
可耕勿耽逸而不憫婦子之窮勿食毛而忘君上之
功社鼓逢逢雨露濃濃一畝三鍾潔黍稷以報蒼穹
初夏

湘簾半捲日初長碎落殘紅草更芳燕子學飛纔出
壘龍孫脫穎已過墻風吹柳絮翻銀蕊雨洗書牕透
墨香繼此莫憂無好景荷錢片片滿池塘

問湖上鷗鳧

泛泛鳧與鷗終日水上浮愛爾能有幾勸爾自為謀
胡不學大鳥翱翔天際遊扶搖搏兩翼頃刻萬里周
戀此淺湖曲足底何所求

莊屋吟

村居真足快神形百畝田中構草庭茂樹繞墻堦蔭
綠嘉禾當戶檻生青無端犬吠因人過不住鶯啼待
我聽一幅王維野意畫風花雪月是餘零

於榮先招予遊秦淮遇雨作

雨後秦淮夏似秋絡繹風透冷颼颼一槁點走眠橋
犬兩漿搖飛浴水鷗子晉不來邀笛步王孫久別木
蘭舟前朝遺跡隨潮去只有潮痕寄石頭

春暮同史立言徐世昌登雞鳴山依壁間韻

欲尋秘密關中事不上關前施食臺時泣時譎因武

帝不衫不履對如來為思遠眺舒青眼敢異歸休步
紫苔雨霽平湖開鏡面教行鷗鷺起蒿萊

玄武湖光飛閣上觀音自在坐蓮臺香風花雨忝空
色流水行雲任往來入定鐘聲開覺路枕城塔影卧
荒苔雖逢衲子談詩句也是禪機關草萊

名山咫尺常難到得得偷閒坐此臺三客推敲湖月
上一僧解脫嶺雲來通幽曲澗潺潺水絕巘飛梯冉
冉苔忽聽齋鐘嘗藿食不如自煮故園菜

纔欲參禪忝半偈菩提非樹鏡非臺遠江帆影隨天

沒近嶂雲容向我來堪嘆荒城依禁堞可憐辱井滿
生苔披衣側帽躋攀僂少坐丹梯省剪菜

清和遲日醉山頂細嫩菘心肥芥臺月到平湖漁唱
出烟開高閣燕歸來數竿粉膩過頭竹半畝金鋪稱
意苔遊者共言吾輩樂不知吾輩入蓬萊

眼病雖昏遊屐熟一時直上幾層臺關關幽鳥聽經
去默默奚童送酒來欲問前朝摹碣字為尋古蹟損
山苔揮毫落紙詩粘就還趁殘陽採北菜

劉近仁招飲牡丹花前以唐學士李白韻索賦

國色天香絕代容粧臺朱露翠烟濃太真一捻紅安
在千載相思夢裏逢

劉家亭子擬沉香池水依依欲斷腸對面瓊林新學
士一窺寒玉照紅妝

狂歌縱飲不勝歡醉舞東風帶月看凡卉爭妍忙早
發名花春暮倚闌干

和曹素行春郊原韻

羨爾探春宴情酣過嶺嶺早梅驚吐艷新柳愛爭妍
着屐生香靄揮毫落紙烟敲詩遊不厭况帶買山錢

七里洲莊屋閒吟

贈證功名枉讀書而今悔不學耕鋤清風洲上忙沽
酒明月江邊好釣魚

送李如石北上

長亭搖曳色青透幾層園咫尺難分手楊枝不忍揮

過彭聖宜環翠亭留贈

更於何處覓蓬萊到此亭中真快哉起水鷺兒分白
去隔城獅子送青來蒔花種竹琴懸壁弄月吟風酒
滿杯欲別主人還少待聽他鳥語對牆隈

遊永濟寺

永濟雲林一徑斜隔離塵市少人家松探澗曲搖龍
尾石踞山根挺豹牙日冷杪榭鐘擊浪漁歸蘆荻鴈
排沙老僧默默了無事不講三生只啜茶

渡江

片帆翼風千里無隔海嶼孤青江天一白漭漭滔滔
誰非逝客扣楫而謔酒同波瀉

隨簡齋袁夫子過岳丈園亭看梅分賦

亭號天然景直強得陪學士發清狂千苞含蓄年前

味幾樹欹斜世外香想像宮容延月洗分明仙骨近
霞妝冷晴湖鏡詩酬畢惟卧東廂一煖牀

登獅子山

獅子踞城頭東南四望收松杉垂作髯日月滾為毫
脊竦一巒秀腹藏半壑幽茫茫前代事誰復閱江流

喜見

天顏

巡幸臨南國兒童喜氣飛但呼天子聖那識帝王威
歌舞隨鸞輅攀留達御扉三辰言返旆送過大江歸

辛未迎

鑿曲十章

華胥世界樂闐闐岱狩高巡祝萬年無限鶯花春占
首一時仙仗下南天

金麾玉幟照南州輦路風和漾寶旂春漲桃花楊子
浪魚鳥五色負王舟

鍾山王氣秀長干非霧非烟瑞彩攢却笑六朝膺不
得結成紫蓋引皇鑾

行宮處處似幽居底用環山更跨渠會得茅茨無限
意鋪陳清玩總圖書

慶雷動地起春歡宮扇開時夾道看淡蕩柳風初弄
暖葱籠花氣不驚寒

觀風問俗覲夔龍常在天家記憶中柳暗花明春滿
路千官蟒服拜呼嵩

雲日欣瞻有道長都人士女頂然香翠天過雨堯眉
彩玉澗迴波舜目光

鸞黃羽隊靜無譁多少龍麟護御車若葉若莖開五
色天香匝路裊曇花

承歡南下應春蒐 聖駕追陪 慈駕遊九陌晴

雲同拜舞願將東海注金甌

山如增翠水增藍遊豫非徒樂事耽到處應知懷

祖德六巡恩澤在江南

京口月夜吟

雨過輕烟不住梭金波萬點落銀河漁舟月下爭吹
笛吹得魚龍出水多

雨中看桃

雨濕桃花近小亭輕沾麥浪越前汀霎時天霽和風
起桃浪紅兮麥浪青

春日坐天然亭

鍾阜清涼各一邊
凭欄盼望景相連
黃鸝啼處花如錦
白鷺飛時溜似絃

賦得園花雪壓枝

姑射仙風二月賒
休云桃李鬪繁華
韶光原自除纖垢
麗質何曾着點瑕
欲賦春林摹好景
且看晴雪籠幽花
尋香悟得清真貴
積素深時燦錦霞

過西山古寺

寺古法成雲碑殘苔
醫文忽然鐘一撞
冷我半生勤

贈張咸宜

異地知交勝比鄰
臨岐分袂更相親
修金贈我非誇富
靈石酬君敢誑珍
視此好情出驟面
堪教薄俗愧殊倫
鵬飛定卜雲霄近
何慮終淹淮水濱

春日過簡齋袁夫子園亭

閒遊處處似凌空
况上玻璃薄画工
柳影拖飛魚婢白
鳥聲催放杏花紅
文章匝地生烟幔
簫管哄天近月宮
健羨風流袁學士
岩居別有細流通

仲夏雨後坐湖心亭對月吟

連陰逢晚霽月色皎於秋
度屆天中滿光從水上浮
自教螢火暗不禁兕觥酬
坐鏡忘西轉還思釣幾鉤

夜宿京口客店

旅店蕭蕭夜難延是五更
紙窗來月色鉄甕響鐘聲
久絕功名想時為詩酒縈
瓜州江隔斷欲渡表澄清

郊外踏青

信步閒行日已殘春晴野
徑好盤桓出墻文杏招遊
屐沿路垂楊拂過鞍鶯囀
前村情戀戀馬馳下壘氣
嘽嘽前朝多少遺留跡化
入長河順水漫

立秋

漫空灑氣吐山清引得涼
來六月輕雲外有天收夏
意城中無樹不秋聲從今
斗杓西方指此後陽剛白
道行把筆欲題澄景句仙
砧預合野蛩鳴

望夫山

山亦多情者臨流可望夫
目從千里縱心寄一峰孤
日落潮如訴風來樹欲呼
應憐眉上黛低損幾汀蘆

登謫仙樓

狂客一見號謫仙杜稱斗
酒詩百篇風流千古令人

想我來瞻拜猶儼然先生儼然唐何存富貴那如詩
酒尊生前身後得似此為問神仙言不言

別翠螺山

翠螺風景載歸檣無限相思雲水鄉他日滌清塵世
事謫仙樓畔結書堂

雨中過了然上人莊屋

茶瓜支許昔曾稱臭味相投各有能君息鄉村僧似
俗我羈田舍俗如僧林深雨過天常暝山濕嵐浮氣
欲蒸迷罷昨宵訂明日十千拚買酒千升

春日書懷

麗景紛紛似織梭自驚虛度已多多春工有意供流
覽風力無緣解折磨綠柳牽愁難作賦紅桃寫恨未
成歌晚來且引壺觴醉醉倚東窗待月過

咏楊花

出身原自有根芽飛舞何曾墮俗胎化作浮萍成解
脫直隨流水到蓬萊

題画山

神凝直令峰情舉筆動尤催岳氣寒天上驚傳山欲

走人間喜得函來者

尹遙岑招聽水月上人鼓琴

仙曲僧家鼓好風不住飄梅花絃外落蕉葉韻中搖
入耳塵俱淨經心慮盡消愧非鍾子輩徒自辱君招

題打花鼓扇頭

翩翩公子扇為媒花鼓聲中就復推無限風流難寫
出魂飛夢繞一堆堆

鸚鵡

入關獻媚勝仙禽架上誰知別有心直把丹鉛塗赤

口便將綠羽易黃金能言未必流千載調舌何曾謬
五音假使才人都似爾轉嗟古道不如今

登理安寺後松巔閣得一排律

構閣松巔上松多千百年壽龍騰脚底怪鱗奔頭邊
兀坐渾忘我招呼可見仙凡花無檻外飛鳥到窗前
日影明如鏡泉聲響似絃此身終碌碌何莫學逃禪

春日閑吟村墅

無非愁沁與情淹撫景如憐又若嫌歇雨猶餘雲意
開來風不碍月光廉草偏作綠粘遊屐花亦飄紅撲

掛帘何處笛聲吹入妙春心飛繞萬峰尖

遊石屋

古屋峻峭亂石遮等閒不是野人家五丁何日鑿螺
殼千佛今朝攀樹極尋得小樓穿小穴踏殘鮮草折
鮮花脩然坐久聽啼鳥衫袖歸來帶落霞

雪山

疎林團暝氣白野浩漫漫陡見一峰出凌空玉影寒

雪江

玉壁插江流青波湧白虬水天寒氣重不敢下漁釣

同錢恭煇遊西湖作

花鳥三春富烟波六月賒都歸詩世界盡入酒生涯
葛嶺聽樵笛蘇堤起釣艫悠然湖上過自擬是仙家

淨業吟寄松亭上人

即心即佛本無殊自性淹埋失故吾念佛心專空我
相不離寸步到蓮都

姑蘇同友人至西園寺看荷花分賦

西園花發繞欄杆塵垢無從染一端別具天香除躁
想盡呈國色引清觀三千佛土開來遍十萬迷津點

化寬趺坐自能全
解脫捧持金手月團團

秋水

不受纖埃汨澄鮮
徹底瑩淵飛金鑑閃浪走玉壺傾
與露三更冷和天一色清
遊人江上望鷗鷺自怡情

秋山

繁會入秋空山為白帝宮
千崖增峭拔萬谷啓瓊瓏
雲捲樹梢白月流楓幹紅
此時樵父過興致倍怱怱

秋雲

出岫原隨我悠悠宕太空
清虛何用厚淡薄轉為工

不降迎時雨能招逐日風
幾人疑采布翹首坐欄東

秋風

大有飄揚意隨舟送客蓬
偶然思洛下正好渡江東
不覺衣裳薄可憐草木空
豈徒從物便天上剪飛鴻

秋雨

滴滴帶秋聲聲憑雨作形
如絲聯苑砌似燭照門庭
洗得桐枝翠滋添蕉葉青
須臾涼氣透紈扇自安寧

秋月

金鑑懸空照塵消幾萬端
迎霜飛皎潔和露瀉清寒

笛吹光偏起砧敲影不殘
正當欣賞際桂馥遶欄杆
秋露

高天沉曉露到處搃沾濡
白白光招目清清氣透膚
荷盤輕托玉柳線細穿珠
更渥蒼崖處如膏復似酥

秋林

蕭瑟園林裏依然錦繡藏
幽花無限艷野草不勝香
襯墊陶家好粧排蔣運長
天工如有意秋景鬪春芳

同焦學詩在西湖尋西施浴處名曰脂粉塘

得得來尋脂粉塘不知今日可
沉香柳攢曲岬思蟠

髻花落平隄憶解妝洗滌聲歸
魚潑刺氤氳氣化鳥
飛揚忽然雨到頻添水似會
佳人浴興長

客店曉吟

山雞終報曉夜氣只餘零不盡
簷前意都從枕畔形
星疎頃刻戶月淡兩三檣欲
寐何能寐相思抱酒罍

月夜懷人

明月牖間淵懷人意卷牽一從
分袂後皓魄幾回圓

秋日同黃又賢嘉善寺分賦

翠微聯步上憩息古禪關
簷口三株柏欄腰萬疊山

疎鐘敲月小短笛弄雲閒坐覺塵囂隔安然似石頭

月下渡太湖

煙波渺渺逼人寒一望天涯去路寬帆影直迷蝴蝶
夢櫓聲連逐鷺鷺搏洞庭山掩交加樹寶帶橋分曲
折灘獨倚篷窗誰是伴姑蘇城上五更殘

咏白榴花時客海寧蘇南華行

客邸榴花發枝枝轉帶寒儼然清似玉不屑艷如丹
同在風前放偏宜月下看預知能結實粒粒海珠攢

舟出京口遇順風

舟子都忘倦欣然遇順風帆飛兩岫綠舵轉一江紅
甘露居身後栖霞在目中往來無限客名利總相同

同別駕陳蘭谷遊西湖分賦

自古經營豈好閒勾留我住是孤山樓頭聽妓評和
靖窗面看僧繪小蠻一刻湖鳴三竺雨千重瀑迸六
橋灣飄然也欲乘槎去智果鐘聲笑石頭

山嬌水媚雨初晴倒影天光一鏡平何必控弦驚宿
食無如垂釣絕將迎花神不禁遊人屐松子長敲過
客枰信口吟成皆麗句只緣丘壑滿心情

尋梅

霽色明山谷相思在老梅不知昨夜雪可有幾枝開
疎影烟迷定清香月釀來已投幽邃處何用拂塵埃

省京口水操

波平兵練大江中不住鎗聲振耳聾遊奕迎潮鏖戰
出伸鋤習水力飛空使聞威武驚天塹端賴干城鎮
海東拔幟囊沙明鏡裏教人怎敢薄元戎

秋夜吟

冰鑑三更冷銀河萬里清嫦娥無片語窺破世虛盈

隨大哥峻天二哥峙中遊西湖命賦

泊船楊柳岬添酒梅花嶼醉來自把槁撐入湖心去
風光供我醉不飲亦如泥底用愁囊乏西湖大酒盃
鶯花不解謔一句留千古處處暖風吹湖波活紅綠
撲手笑西湖此情誰共語會來山水真不在有名處
欲歸一夜風湖上無春色亂紅如雨飛盡在驢行客
兩兄賜一囊載了半湖去明年再遊時全把西湖取

臘底過揚州東關王以寧客舍夜叙索書漫賦

投宿故人處依依在異鄉情因通把臂心許話聯牀

夜靜煎茶碧更深
研墨香明朝遊蜀嶺
雨雪也無妨

王以寧邀遊平山得絕律各四首

揚州我復至不是十年前
處處開生面湖山別有天
樓臺穿竹石鐘磬出煙蘿
彷彿西湖路扁舟客許過
把酒蓮花社敲詩柏樹亭
不知天欲暮卧聽塔風鈴
曲水水何曲平山山不平
與兄登眺遍宜動故園情
歸舟暫泊在東關
趁此登臨半日閒
得伴不知村路
遠無聊且醉野溪灣
條然坐石逢僧話
偶爾憑欄見
鳥還欲倩丹青來
画出長橋曲水鎖平山

昔日虹橋頓改妝
湖山簇簇異尋常
鑿開魚鳥忘情
處幻出雲烟得意場
不斷清香梅十里
搖空翠色竹
千行到來觸景成
竒賞傾寫新詩似探囊

天寧門外好徘徊
無數遊人歸去來
疊水疊山煙漠
漠一觴一詠月皚皚
絕聞法海僧敲磬
又見西園戲
出臺緬想當年嘯
卧處松陰蒼翠絕塵埃
梅花綽約竹便娟
正值揚州臘月天
窺醉鳥喧晴雪
樹煮茶僧汲凍雲泉
十三樓畔停車馬
廿四橋頭聽
管絃囑咐湖山歸去也
風流何獨屬蘓仙

懷張咸宜

爾我襟懷可共明白雞丹犬證心盟一經拜別分南
北千轉離愁自止行猶記合圍擒猛獸尚思對飲類
長鯨到家未洗風塵面酌句封書寄遠城

龍爪花

九重天上顯才華氣吐塵埃發爪牙雄壯自驚山客
眼瓊瓏得伴野人家一莖招霧情如捉五出凌雲勢
欲搵寄語往來遊賞者須知草卉眈江涯

水仙

湘靈弄玉絕塵埃托水含英太有才捉月仙人深愛
汝携來芳谷伴梅開

促織

月下耐徐聽偏偏近草庭煩聲如曳杼絮語若抽經
織滿三秋月催殘五夜星閨中人早起莫負苦丁寧

咏橘

千株萬戶一般論秋日園林獨占尊削玉為花開海
甸團金成實貢天門已迎陸續懷中思更展蓬萊殿
裏恩倘得仙翁傳妙諦商山樂事至今存

舟泊缸尖隨二哥峙中遊秦園

舟泊缸尖近惠泉名園容我暫盤旋
枕橋綠柳風抽線夾岼紅桃露染箋
玉洞門通雕檻內錫山屏列
畫樓前此間景况真堪賞不亞西湖小有天

萱草花

寂寞孤根樹北堂綠陰深處吐幽芳
花開次第占朝暮葉任紛披引燠涼
分得鳳毛誰說淡比將鵲嘴自
加長宜男最是佳人羨對爾憂思一旦忘

秋飲天然亭同郭啟東分韻

平平水鏡譜澄鮮偶爾凭欄展釣絃
秋雨染成蒼翠画晚霞抹就粉紅箋
杯浮涼月供儂飲榻引清風待
客眠記取莫愁無限景枯腸搜索聳雙肩

舟阻燕磯

燕磯留我住枕籍傍青沙漁火分星影
兵船蹴浪花九天風不轉半夜月將斜
忽憶家園事愁聽處處蛙江城空悵望
愁逐野雲奔客路迷天際帆陰暗水痕
紅飛烟黯淡綠吹日黃昏不盡波濤險
何如樂華門

七里洲莊屋吟

疎狂未可廟堂中
勉學羊裘漢釣翁
七里清流堪弄
月四圍老樹足吟風
但知穀秀禾同麥
莫辨烏飛雌
與雄樂趣尋來須自記
天涯何處斷花叢

秋日同陳賡九過雙峰園看桂

昨秋尋勝蹟今日又重來
影覆沉三逕香熏透九陔
枝枝黃蠟裹樹樹碧雲堆
笑我江南客空慚却詵才
獨秀在山窟當樓吐異芳
扶疎雲外綠掩映月中黃
村女徒知羨庸夫莫辨香
言歸增繾綣清露濕衣裳

同唐雪崖遊虎邱二律

不負傳名勝風流聚一邱
遠山如拱翠近水似環流
露冷慙泉液雲開劍石頭
俗懷清浣處殊樂此行休
蒼邱騰虎氣吹散一溪雲
樹密花爭放歌喧鐘暗分
山厨移綠酒野艇出紅裙
可愛金閭事無般不傲羣

秦淮曲

樓臺十里淮流通
笙歌画舫樂薰風
佳人多試羅衫
紅羅衫紅者不絕髮如雲
肌如雪

夏日喜巖務滋雨中過我松山莊屋

得共高談艷雪生
臨風揮麈晉人清
君能幽谷思朋

友我幸荒莊遇耦耕雨冷一牀堪抵足山深六月尚
聞鶯酒殘燈暗孤村靜錯認溪聲是漏聲

海棠

海棠嬈嬈弄春容特具仙姿不厭濃睡去正宜明月
上欄杆倚遍影重重

滿塔梧葉月明中

月滿梧桐葉深藏靨靨懷敲來微拂柳洒去少驚櫂
徑尺壺中透成子傘上排陰疎風氣爽影正魄光佳
湧盡金毬現推開玉鏡偕最憐天洗淨冷襯我吟鞋

偕邢鼎臣遊西湖作

誰將寶鏡倚杭城雨洗風磨分外明蘇小多年人不
見葛弘此日嶺猶橫望山橋上逢僧話問水亭邊聽
鳥鳴恍似置身圖畫活荷花紅映晚杯傾

姑蘇懷畢東山往太湖不返

桃花柳絮滿春城盡日携壺烟水行天爽亂塗千百
句月明長嘯兩三聲昨冬汝約西園聚此日誰傾北
海醒聞說洞庭峰窈窕不知何處住先生

饒蓮峰園內看菊二律

不共鴈隨陽勾留石蹟卿難將心事白羞對菊花黃
勸酒提壺烏催歌記曲娘饒園終日閉儼是古柴桑
壓倒淵明菊枝枝吐異光二喬迎客座一杜嘯鄰墻
不敢留詩贈何妨索酒嘗叮嚀天上月送我到梁莊

深夜喜李六齋先生携酒過我山莊劇談時事

感而賦之

惆悵嵇生七不堪披衣起坐想圖南兒圍燈下敲碁
譚客到牀前出酒甌少可陶情酬雅賦終難適意答
雄談蹉跎歲月無區處石父當年遇解駮

登岳父梁昌翁咏蘭原調

望江南

蘭幽處鍾愛屬詩家綺石累將金玉貴黃磁貯擬壁
琮華摩詰舊生涯

蘭幽處逸少自尋芳峻嶺崇山排筆陣流觴曲水潤
詩腸韻事摠非常

蘭幽處酣對每顛狂草色經秋舍晚翠花容沁雨帶
天香乘興納清涼

蘭幽處若戰事差強香泛乳花來碧玉光沉霞脚散
青琅堪佩谷中王

晚泛青溪

遊心已放未能收
九折溪中好蕩舟
水淨涵蒼隨岼岼
轉波明疊翠
趨壕流爭栖
晚樹禽三點
倒引長天月
一鈎不厭灣
多更又起隔簾清韻出
瑩篔

夜坐天然亭看月

十里湖天色似銀
看來心地也消塵
氣吞城石烟波
壯情漫碁樓月露新

咏蕉

我愛甘蕉好
况鄰大樹陰
雨聲驚夢醒
晴翠擁心深

過管子荒墩

諸葛生平欲與同一匡
自是出人雄到來
穎水追遺跡
特過甘城溯故風
伯業都歸原上草
英靈祇剩龍頭楓
要知興廢尋常事
勳著春秋搃不空

咏窗前薔薇

壁間枝帶刺
香際葉交花
撲鼻如熏麝
迎窗似落霞
密繁過月季
鮮艷等山茶
到晚節明月
神情更自加

讀正氣歌

綱常獨荷不辭難
正氣凌霄貫日端
從此汗青長照

耀任他霜雪自流丹

同黃又賢夜半登雞鳴山玩月

登高從不避艱辛
入夜風光勝索晨
望去長江同一線
看來古廟等微塵
氣吞虎踞烟光邈
身卧雞鳴月色新
直待參橫更漏轉
下山迴想尚頻頻

與瓊兒輩閒話

走遍天涯覓正門
能文能武可歸根
世間歧路原多誤
衣裏明珠自不昏
運退憑人成虎豹
時來逼我捉鵬鯤
須知事事皆如夢
莫笑文君黑夜奔

穎郊偶吟

箕山無礙水長流
前輩高風不可求
坐我郊原消日月
令人心迹想巢由
功名炫世徒污耳
津要當途恥飲牛
落落自逃天地外
後先誰復許同儔

寄同硯諸友

紛紛情好把人迷
誰肯將身向道栖
海島祈求延命藥
家常拋撇上天梯
莊生遣俗塵埃脫
顏子齋心日月齊
但使色聲毫不染
瑤宮仙籍把名題

望江浦學奎閣

高閣撐霄接上台何曾沾染世間埃
招邀日月通靈氣控引風雲毓俊才
甍瓦窗推龍甲抖天花板爛鳳翎開
定知科第聯翩起答謝明神紙幾回

黃徵君故宅

千頃襟懷著昔論世遙猶念道誼尊
風塵不染消淳偽清濁都忘見本根
縹緲嵐光縈故里瓊瓏夕照射前村
數椽落落標模範欲画丹青寄白門

茉莉花

瑩潔吐幽香瑤臺暑亦涼
經秋花不歇濯露更情長

南歸望關山

綿亘多多里爭奇不厭貪
千峰朝薊北一嶺貫江南
車馬空中轉亭臺凹處擔
到關躬歷險石磴遠三三

靈雲嶺望岱裔山旋止岱鋪

雲嶺依東顧遙瞻岱裔容
樹疎蒼洞廠雲護翠巒封
泰嶽為宗主群岡作附庸
旋投山客館登眺許相從

復過磨盤山

崎嶇山路過復過始知難
徑轉人推磨岡迴馬繞盤
四方供眼望八面使心寒
追想髫年日旋旋好自歡

滁州道上望瑯琊山

西方山特起三面拱山容水轉石間石松連峰外峰
盤蹲形似獸飛舞勢如龍帝子潛遊處遙遙未見蹤

過長岡

一踏長岡路如從天半行樹遮千尺澗山列幾重城
野寺無僧住荒坡有犢耕人言五代後曾未見戈兵

山房

乾坤容我懶日日坐山房繞砌草先綠迎堦蘭更芳
詩才從此進酒味自茲長何必蓬萊住紅塵直可忘

長至書懷

驚心歲月易蹉跎長至寒光添幾何萬里依回天末
路三餘分付客中過逢時索醉平生態好句怡人鎮
日哦進履堂前知己罷倚欄獨自語關河

京川奏捷

不尚威聲尚義聲跳梁小丑豈難征神謀越塞衝營
壘妙畧安邊洗甲兵西顧烽消天宇淨中途凱奏月
華明聖朝戎事符干羽願作謳謠祝太平

過英靈坊

今來古往似拋梭不愧生平即不磨天為鑒高照日
月人因節重表山河崇階魏殿聯成勝孝子忠臣占
得多千載流芳爭一念奸雄死後殆如何

過顏上憶屠赤水

謹將赤子係心頭撫字催科事事優實意自能孚造
化高才從未逞風流城巖雄堞民安業隄壓魚龍水
順游父老至今懷舊德每逢瓜熟憶賢侯

題梁月坡書室

名下無虛士山中有雋才推窗通島嶼信步踏蓬萊

觀瓊兒輩戲桃園

桃園喜宅後結伴入園譁踏草斜窺樹攀枝亂摘花
蘊蘊如化蝶閣閣若鳴蛙不慮生煩渴清泉可當茶

題松竹圖

托出擎雲直意思篔簹一并入松圖得偕勁節稱君
子絕勝崇階拜大夫

僻處吟

自從久僻處恬適到而今情有山川浴門無車馬臨
泉聲堪洗耳鳥語可談心丹訣從茲悟何勞採藥苓

題觀音堂柏樹子

根自天台出移來蔭法堂當階知向佛結子為然香
纍纍昏凝翠圓圓不改蒼山僧思證果本色勝千方

夜過中心渡

茫茫浮白氣行走歷中央濁水千尋遠危橋十丈長
岸斜鉤月色波湧漾星光遙聽官城裏更聲促客忙

過蔡真塘

諸湖堪匹配人祇說方塘極目非觀渡迎波似望洋
漁舟歌歎乃遊客詠滄浪欲訪真仙蹟都云隔水鄉

